

A.08 KANUN-I ESASÎ'NİN 5 ŞABAN 1327 TARİHLİ  
7, 35 ve 43'ÜNCÜ MEVADD-I MUADDELESİNİ  
MUADDİL KANUN

İrade Tarihi (H)	:	02.Recep.1332
İrade Tarihi (R)	:	14.Mayıs.1330
İrade Tarihi (M)	:	27.Mayıs.1914
Takvim-i Vekayi	:	22 Mayıs 1330, s.:1837
Dustur	:	2.T.D.c.:6, s.:749

7'nci maddenin fikrai muaddelesi:

"...otuz beşinci madde mucibince Heyet-i Meb'usanın lede'l-iktiza feshi ve müddet-i teciliye ve tatiliyenin mecmuu müddet-i ictimaiye-i seneviyenin nısfını tecavüz etmemek ve o sene-i ictimaiye zarfında müddetini ikmal eylemek üzere tecil ve tatili... hukuk-ı mukaddese-i padişahîdendir."

35'inci madde-i muaddele:

"Vükelâ ile Heyet-i Meb'usan arasında ihtilâf olunan maddelerden birinin kabulünde vükelâ tarafından ısrar olunup da meb'usan canibinden ekseriyet-i ârâ ile ve mükerreren reddedildiği halde vükelânın tebdili veyahut müceddeden ve dört ay zarfında intihap ve ictima olunmak üzere Heyet-i Meb'usan'ın feshi hukuk-ı padişahî cümlesindedir. Fakat Heyeti cedide-i meb'usan evvelki heyetin reyinde sebat ve ısrar ederse Meclis-i Meb'usan'ın rey ve kararının kabulü mecburî olacaktır."

43'üncü madde-i muaddele:

"Meclis-i Umûmî'nin iki heyeti beher sene teşrinisani iptidasında ve tecil vuku bulmuş ise müddet-i teciliyenin inkizasında bilâdavetin ictima eder ve bâ-irâde-i seniyye küşad edilir. Müddet-i ictima altı aydır ve bu müddetin hitamında meclis yine bâ-irâde-i seniyye kapanır. Bu heyetlerden biri diğerinin bulunmadığı zamanlarda münakit olamaz. Meclis-i Meb'usan feshe dildiği halde dört ay sonra ictima edecek olan Heyet-i cedide-nin ictimai bir ictima-ı fevkalâde hükmünde olup müddeti iki aydır ve kabil-i temdit olup tecile tâbi değildir ve altmışdokuzuncu

maddede muharrer olan dört seneden ibaret müddet-i memuriyeti teşrinisani ibtidasında başlar.”

Kanun-ı Esasî'nin yetmiş üçüncü maddesi mülğadır.

Meclis-i Meb'usan ve Ayân'da kabul olunan işbu lâyihanın kanuniyetini ve ona göre Kanun-ı Esasî'ye ilâvesini irade eyledim.

Mehmet Reşat